



Headlines

- चुनांऽ आयोग चुनावी प्रक्रिया गी सौक्खा बनाने लेई ऐगती 27 सूचना टेक्नोलाजी ऐप्स ते प्रणालिं गी अमल च आह्ना करदा ऐ।
- लोकसभा चुनाएं दे दुए गेड़ लेई अधिसूचना कल 28 मार्च गी जारी कीती जाग।
- गृह मंत्री अमित शाह होरें आखेआ ऐ जे भारती संविधान गी मनने आले जम्मू-कश्मीर दे मकामी नौजवानें कन्नै गल्लबात कीती जाग। उनें आखेआ जे हालात सामान्य होने दे मद्देनजर हुन थेआरबलें दे विशेष अधिकारें आले कनून गी हटाने पर विचार कीता जाग।
- केंद्री मंत्री ते बीजेपी नेता अनुराग ठाकुर होरें आखेआ ऐ जे दफा 370 ते 35-ए हटाइयै नरेंद्र मोदी सरकार नै जम्मू-कश्मीर दे विकास दी बत्त खोली दिती ऐ।



EC-Special

चुनांऽ आयोग औंदे चुनाएं दौरान 27 किस्मै दिं सूचना प्रौद्योगिकी ऐप्स ते सिस्टमें राएं नमीं टेक्नोलाजी दा फैयदा ठोआ करदा ऐ। ऐप्स ते पोर्टलें राएं टेक्नोलाजी दे इस्तेमाल कन्ने लगभग सारे कम्म सखल्ले ते सुविधाजनक होई गेदे न, मेदवारें लेई, मतदाताएं लेई ते पूरे चुनांऽ अमले लेई बी। ऐप्स दी मदद कन्नै समूलची चुनांऽ प्रक्रिया पर नेडमी तक्क बी रखी जा'रदी ऐ। सुविधा पोर्टल दी मदद कन्ने मेदवार नामांकन दाखल करा करदे न, इश्टाम जमा करा करदे न। एह्दे अलावा ओ चुनांऽ रैलिं लेई पर्मिशन लैने लेई बैठक लोआने लेई बी संपर्क करी सकदे न। वोटर हेल्पलाइन VHA राएं लोक मतदान केंद्रें बारै जानकारी हासल करी सकदे न, फोटू लग्गे दा अपना शनाख्ती कार्ड डाउनलोड करी सकदे न। सी-विजिल ऐप राएं कुसै बी चाल्ली दी गड़बड़ी दी शकैत दर्ज कराई जाई सकदी ऐ। मेदवारें आस्सेआ भरे जाने आला एफीडेविट, एफिडेविट पोर्टल ते इस चाल्ली दिं होर केई तकनीकें दी मदद कन्ने चुनांऽ प्रक्रिया बड़ी मती बवस्थित ते असान होई गेदी ऐ।



2<sup>nd</sup> Phase Notification

लोकसभा दे दुए गेड़ दे चुनाएं आस्तै अधिसूचना कल जारी कीती जाग। इस गेड़ च 12 राज्यें ते केंद्र शासित प्रदेशें दे 89 लोकसभा सीटें आस्तै चुनांऽ होग। दुए गेड़ च केरल दी 20, कर्नाटक दी 14, राजस्थान दी 13, उत्तर प्रदेश ते महाराष्ट्र दी 8-8, मध्य प्रदेश दी 7, असम ते बिहार दी 5-5, पच्छिम बंगाल ते छत्तीसगढ़ दी 3-3, मणिपुर, त्रिपुरा ते जम्मू-कश्मीर दी इक-इक सीट पर वोट पाए जाडन। मेदवार 4 अप्रैल तगर नामांकन पत्र दाखल करी सकदे न ते वोट पाने दा कम्म 26 अप्रैल गी होग। जम्मू-कश्मीर गी छोड़िए सब्बनें राज्यें ते केंद्र शासित प्रदेशें च नामांकन पत्रें दी जांच 5 अप्रैल गी कीती जाग। जम्मू-कश्मीर च नामांकन पत्रें दी जांच 6 अप्रैल गी होग।



## MVMP-Reasi

मतदाताएं गी जागरूक बनाने ते उनेंगी प्रेरित करने दे मकसद कन्नै 100 फीसदी मतदान जकीनी बनाने लेई रियासी च इक अनौखी पैहलकदमी दे तैहत मेहंदी कन्नै कुडिएं दे हत्थें पर My vote my pride दा नारा लिखेआ गोआ। जिला चुनांअधिकारी विशेष पाल महाजन होरें पैहली बारी मतदाता बनै करदे इनें मतदाताएं दे जत्तें दी सराहना कीती। इस मौके स्हाडे संवाददाता कन्नै गल्ल करदे होई इनें युवा मतदाताएं आखेआ।

<><><><><><>

## Yoga-Session-Voter

उधमपुर दे खेड्डू मैदान च जिला चुनांअफसर हुंदी दिक्ख-रिक्ख च योग सत्र दा सरिस्ता कीता गोआ। इस योग सत्र दा आयोजन मतदाताएं गी जागरूक करने लेई कीता गोआ। एहदे अलावा इस सत्र दा मकसद औंदे लोकसभा चुनाएं दौरान मतदाताएं दी शमूलियत गी बदाना ऐ। इस योग सत्र च खरी मती गिनतरी च वरिष्ठ नागरिकें हिस्सा लैता। इस मौके पर बोलदे होई जिला पंचैती राज अफसर ते जिला नोडल अफसर स्वीप प्रीती शर्मा होरें आखेआ।

<><><><><><>

## PIB-Election

पत्र सूचना ब्यूरो-पी.आई.बी नै लोकसभा चुनांअदी कवरेज करने आले मीडिया कर्मिएं आस्तै इक खास वेबसाइट [pib.gov.in/elect\\_2024/index.aspx](http://pib.gov.in/elect_2024/index.aspx) शुरू कीती ऐ। इस वेबसाइट पर डिजिटल फ्लिप बुक जनेई केई खासियतां न जिंदे च केई चाल्लीं दे विश्लेषण ते आंकडें कन्नै सरबंधित लेख शामिल कीते गए न। मीडिया कर्मी, चुनांअकन्नै सरबंधित लेख लिखने आस्तै वेबसाइट पर उपलब्ध जानकारी दा इस्तेमाल करी सकदे न। कन्नै गै एहदे पर केई सारे उपयोगी लिंक बी उपलब्ध न, जिंदे राएं पत्रकार, निर्वाचन आयोग दी वेबसाइट पर सरबंधित जानकारी सखल्ले हासिल करी सकदा ऐ। लोकसभा चुनांअदे कार्यक्रम ते अधिसूचना कन्नै सरबंधित जानकारी बी इस वेबसाइट पर समें-समें पर अपलोड कीती जाग।

<><><><><><>

## Lal-Singh Nomination

साबका सांसद ते कांग्रेस दे उधमपुर संसदीय हल्के थवां मेदवार चौधरी लाल सिंह होरें रिटर्निंग अफसर डॉ. राकेश मिन्हास हुंदे दफतरै च अपने नामांकन भरेआ। कांग्रेस दे वरिष्ठ नेता ते साबका केंद्रीय मंत्री भारत सोलंकी प्रदेश कांग्रेस कमेटी दे अध्यक्ष विकार रसूल वाणी, डॉक्टर मनोहर लाल, रविंद्र शर्मा ते लाल सिंह हुंदी घरै आली कांता अंडोत्रा होर उंदे कन्ने रोड शो च मौजूद हियां। एहदे च खरी मती गिनतरी च लाल सिंह हुंदे समर्थक बी शामिल होए। अज्ज नामांकन पत्र भरने दा अखीरी दिन ऐ। बक्ख-बक्ख सियासी पार्टिएं दे 6 मेदवारें ते इक आजाद मेदवार नै नामांकन पत्र भरे। उधमपुर पार्लिमानी हल्के थवां अजें तगर 15 मेदवारें नामांकन भरेआ ऐ।

<><><><><><>

## Poonch-EVMs

चुनांअमैहकमा पुंछ आस्सेआ लोकें च चुनांअप्रक्रिया बारै पारदर्शिता बदाने ते ई.वी.एम बारै लोकें गी एहदी विश्वसनीयता बारै दस्सने लेई इक कार्यक्रम दा सरिस्ता कीता गोआ। इस मौके पर बक्ख-बक्ख सियासी पार्टिएं दे

नुमाइं दे मौजूद हे। एहू गैंऽ लोके च चुनांऽ सरबन्धी सरिस्ते च भरोसे गी बदाने लेई पुट्टी गई। जिला चुनांऽ अधिकारी यासिन एम. चौधरी होरें साहडे जिला संवाददाता कन्नै गल्ल करदे होई आखेआ।

<><><><><><>

### Shah-JK Youth

गृह मंत्री अमित शाह होरें आखेआ ऐ जे केंद्र सरकार जम्मू-कश्मीर च थेआरबंद बलें दे विशेष अधिकारें आहले कनून गी हटाने पर विचार करोग। इक निजी टी.वी. चैनल गी दित्ते गेदे इंटरव्यू च शाह होरें आखेआ जे सरकार दी योजना केंद्र शासित प्रदेश थमां थेआरबंद बलें गी वापस सहना ते कनून व्यवस्था दा जिम्मा जम्मू-कश्मीर पुलस गी सौंपने दी बी ऐ। उनें इब्बी आखेआ जे पैहले जम्मू-कश्मीर पुलस पर जकीन नेई कीता जंदा हा पर अज्ज ओहू अभियानें दी अगुवाई करै करदे ना। जम्मू-कश्मीर च असेंबली चुनाएं बारै गल्ल करदे होई गृह मंत्री होरें आखेआ जे जम्मू-कश्मीर च असैम्बली दे चुनांऽ 30 सितंबर शा पैहले करोआई दित्ते जाडन कीजे केंद्र सरकार जम्मू-कश्मीर च लोकतंत्र दी बहाली लेई बचनबद्ध ऐ। पाकिस्तान दे कब्जे आले जम्मू-कश्मीर बारै बोलदे होई शाह होरें आखेआ जे पी.ओ.जे.के स्हाडा हिस्सा ऐ। एहू संसद दा प्रस्ताऽ ऐ। उनें आखेआ जे मकबूजा कश्मीर दे लोक स्हाडे भ्राह-भैहन न ते उत्थे दी जमीन बी स्हाडी ऐ। कश्मीर दे नौजवानें गी पाकिस्तान दे प्रोपोगैंडें शा बाहर निकलने दी अपील करदे होई गृह मंत्री होरें पाकिस्तान दे माडे हालात दा जिक्र कीता ते आखेआ जे उत्थे भुक्खमरी ते मैहंगाई ऐ जदके स्हाडा कश्मीर सुर्ग ऐ ते इत्थे नौजवानें दे हत्थें च बट्टे दे बजाय लैपटाप ना। उनें आखेआ जे आतंकवाद अपने खीरले चरण च ऐ ते एहूदे समूलचे नाश लेई जत्र कीते जा रदे ना। उनें आंकडे पेश करदे होई आखेआ जे जन्नी-बट्टे मारने दिएं घटनाएं सनें सुरक्षाबलें ते आम नागरिकें दे मारे जाने दिएं घटनाएं च बडी मती कमी आई गेदी ऐ। शाह होरें ऐलान कीता जे भारती संविधान गी मनने आले मुकामी नौजवानें कन्नै गल्लबात कीती जाग ते हरियत कांफ्रेंस कन्नै कोई गल्लबात नेई होग।

<><><><><><>

### Thakur-JK

केंद्री मंत्री ते भाजपा दे नेता अनुराग सिंह ठाकुर होरें आखेआ ऐ जे दफा 370 ते 35ए दे हटने मगरा जम्मू-कश्मीर च विकास दी बत्त पदरी करी दित्ती ऐ। एहू गल उनें जम्मू दी झज्जर कोटली थाहर मीडिया गी संबोधित करदे होई आखेआ। उनें गलाया जे हर क्षेत्र च बड़ा मता विकास होआ रदा ऐ। ठाकुर होरें आखेआ।

<><><><><><>

### Prez. Envoys

राष्ट्रपति द्रौपदी मुर्मू होरें राष्ट्रपति भवन च इक समारोह च 5 मुखें दे राजदूतें थवां उंदे परिचय पत्र स्वीकार कीते। एहू राजदूत न फिलीपीन्स दे जोसेल फ्रांसस्कि, उजबेकिस्तान दे सरदौर रूस्तम बाएव, बेलारूस दे मिखैल कास्को, केन्या दे उच्चायुक्त पीटर मैना, मुनयीरि ते जार्जिया दे राजदूत वाकतांग, जाओशविल्ली।

<><><><><><>

### Army Commander Conference

सैन्य कमांडरें दा सम्मेलन 2024 कल्लै थवां नमीं दिल्ली च हाइब्रिड सम्मेलन दौरान रक्षा मंत्री राजनाथ सिंह होर सब्बनें गी संबोधित करडन ते 2 अप्रैल गी वरिष्ठ सैन्य नेतृत्व कन्नै बी गल्लबात करडन। सम्मेलन दे पैहले दिन सेना प्रमुख जनरल मनोज पांडे अपने-अपने कमान मुख्यालय सोयां वर्चुअल माध्यम राएं हिस्सा लै रदे सैन्य कमांडरें कन्नै गल्लबात करडन। सम्मेलन दौरानम महत्वपूर्ण एजेंडें पर ध्यान केंद्रित कीता जाग। पैहली अप्रैल गी सेना दा शीर्ष नेतृत्व गंभीरता कन्नै चर्चा करडन। मगरा सेना दे सामूहिक बीमा निवेश सलाहकार समिति दी बैठक होग जिसदी

अध्यक्षता सेना प्रमुख होर करडन। सइ सत्र दौरान कारवाइएं सरबंधी त्पारिएं, होर बेहतरी आनने, नमिएं काहडें सिखलाई ते भविक्ख दिएं चुनौतिएं कन्नै निब्वडने लेई त्पार रौहने पर बी विचार विर्मश होग।

<><><><><><>

### Air Force Chief Seminar

एयर चीफ मार्शल वी.आर चौधरी होरें आखेआ ऐ जे बालाकोट जनेय अभियानें एहू दस्सी दित्ता ऐ जेगर सियासी इच्छेया शक्ति होए तां वायु सेना दी ताकत दा प्रदर्शन बडे असरदार तरीके कन्नै बन्ने दे पार बी कीता जाई सकदा ऐ। एहू गल्ल उनें नमीं दिल्ली च 15में जम्बो मजूमदार अंतरराष्ट्री सेमीनार दरान उद्घाटनी भाषण दिंदे होई आखी। उनें आखेआ जे ब्हाई ते अंतरिक्ष सरबंधी नियंत्रण सब्बनें अभियानें लेई नतीजाकुन साबत होडन।

<><><><><><>

### Mughal Road

बन्ने आले जिले राजौरी ते पुंछ गी कश्मीर खित्ते गी शोपियां जिले कन्नै जोडने आली वैकल्पिक शिडक मुगल रोड इस म्हीने दे अखीरै तगर गड्डिएं दी आओजाई लेई खोली दित्ती जाग। आकाशवाणी जम्मू संवादाता दी रिपोर्ट मुजब पुंछ आली भेठा दा 42.3 किलोमीटर दे छिडे थवां बर्फ गी हटाने दा कम्म करी लैता गेआ ऐ। पुंछ गी शोपियां कन्नै जोडने आला पीर गी गली राएं 1.3 किलोमीटर लम्मा एहू रस्ता साफ कीता जा'रदा ऐ। इसी साफ करने दा कम्म जोरें-शोरें कन्नै कीता जा रदा ऐ। पुंछ दे डिप्टी कमिशनर यासिन चौधरी होरें शिडक दा दौरा लाया ते बर्फ हटाने आले कम्में दा जायजा लैता। इस शिडक गी गड्डिएं दी आओजाई लेई इस म्हीने दे खीरै तगर खोली दित्ता जाग।

<><><><><><>